

অভিভাষণ*

আপনারা আমার আপনাদের বার্ষিক সভায় আহ্বান করে আমাকে বিশেষ সম্মানিত করেছেন। আমি নিজেকে এ আহ্বানের এ সম্মানের নিতান্ত অযোগ্য বলে মনে করি। ছাত্রাবস্থায় শান্তিনিকেতনে অবস্থান আর অধ্যয়ন করবার সুযোগ আমার হয়-নি, সুতরাং শান্তিনিকেতনের প্রাক্তন ছাত্র বলে যে গৌরব আপনারা অনুভব করেন, তা থেকে আমি বঞ্চিত। কিন্তু গত আট-দশ বছর আগে যখন আমি প্রথম শান্তিনিকেতন আশ্রম দেখতে আসি, তখন থেকেই আশ্রমের সঙ্গে মনে-মনে আমি একটি যোগ অনুভব করে আসছি। তাতে আমিও যে শান্তিনিকেতনেরই একজন, এই রকম একটা ধারণার অধিকারী হতে পেরেছি। আর তা ছাড়া, আপাতত আমাকে শান্তিনিকেতনের একজন ছাত্র বলে ধরে নেওয়া যেতে পারে। শান্তিনিকেতনকে অত্যন্ত শ্রদ্ধা আর আদরের সঙ্গে দেখি বলে, আর এখানকার অধ্যাপক, আর ছাত্র অনেকের স্নেহ আর প্রীতি লাভ করতে পেরেছি বলে, আপনাদের এই আহ্বান আমি আনন্দের সঙ্গে গ্রহণ করেছি।

যে পুরুষশ্রেণীর চরণতলে বসতে পাওয়ার ফলে আপনাদের ছাত্রজীবন মহনীয় হয়ে উঠেছিল,—সাক্ষাৎ-সম্বন্ধে না হলেও, কৈশোরের অবসানের সময় থেকেই পরোক্ষভাবে তিনি আমার আর আমার মতন অনেকেরই গুরুদেব। আপনারা তাঁকে বরাবরই অতি নিকটে পেয়েছিলেন, পেয়ে আছেন, শ্রেষ্ঠ এক গৌরবের অধিকারী আপনারা। এই মহৎ সারিধো আপনাদের জীবন উজ্জ্বল হয়েছে নিশ্চয়ই—জীবনে কতগুলি উচ্চ প্রেরণা আপনারা লাভ করেছেন নিশ্চয়ই। যারা আপনাদের মতন তাঁকে কৈশোরে বা যৌবনে ব্যক্তিগতভাবে আচার্য্য রূপে দেখবার সৌভাগ্য লাভ করেন-নি, তাদেরও অনেকের কাছে তাঁর গান আর কবিতার মধ্য দিয়ে তাঁর লেখার মধ্য দিয়ে সেরা প্রেরণা অল্পত কিছু পরিমাণে এসে পড়েছে। কারণ খালি বাঙালী বা বাঙলা-পাঠীর কাছে নয়, পৃথিবীর সব দেশের চিন্তাশীল মানুষের কাছে তিনি একজন বরণ্য আচার্য্য, অগ্রতম যুগন্ধর গুরু।

* শান্তিনিকেতন আশ্রমের প্রাক্তন ছাত্রদের বার্ষিক অধিবেশন উপলক্ষে সভাপতি কর্তৃক পঠিত (৮ই পৌষ, ১৩৩১)।

সং(০) ১

দুনিয়ার পাঠক এক হও! আমারবই.কম

যে বাণী নোতুন করে আমাদের গুরুদেব এই শান্তিনিকেতনের মধ্যে থেকে প্রচার করে বিশ্বকে আহ্বান করছেন, যে বাণী এই যুগ-দেব-দ্বন্দ্বময় জগতে লোকের মনে শ্রীতি-মৈত্রী-শান্তির ভাব আনতে সাহায্য করবে আর করছে, সেই বাণী হচ্ছে বিশেষ করে ভারতবর্ষেরই বাণী। স্বদূর অতীতে ভারতে আগের সঙ্গে কোল-দাবিড-মোঙ্কোলের মিলন আর সংমিশ্রণের পর থেকে, যখন ভারতের সভ্যতা বিশিষ্টতা লাভ করে দাঁড়াল, তখন-থেকেই ভারতবর্ষ এই বাণী প্রচার করে আসছে। যুগ-যুগ ধরে ঋষি যতি ভিক্ষু, ব্রাহ্মণ দ্বয়্যাসী পরিব্রাজক, সাধু সন্ত বৈরাগী, এমন কি ভারতের মুসলমান পীর ফকীর দরবেশ, সেই এক-ই বাণী বহন করে আসছেন। সেই বাণী হচ্ছে অহিংসার আর ভ্যাগের, মৈত্রীব আন করার, ভিজ্ঞাসার আব পরিপূচ্চার, আর জ্ঞেয়ের অন্তসন্ধানের। উপনিষদ, মহাভারত, গৌড়শাস্ত্র, মধ্যযুগেব সাধুসন্তদের কবিতা গান, দক্ষিণের ভক্তদেব গান প্রভৃতি যে-সমস্ত রচনায় এই বাণী রক্ষিত হ'য়ে আছে, সেই-সব রচনা, যে-সমস্ত ব্যক্তিগত আর সমাজগত আচার-অনুষ্ঠানে এই বাণী পরিপোষকতা করছে সাহায্য করছে, সেই-সমস্ত আচার অনুষ্ঠান, যে-সমস্ত স্কুলমার কলায় শিল্পে গানে কাব্যে সাহিত্যে এই বাণীর দ্বারা অনুপ্রাণিত ভারতীয় চিত্তের মনোহর প্রকাশ হ'য়েছে, সেই-সমস্ত স্কুলমার শিল্প আর সাহিত্য; যে-সমস্ত গভীর দর্শনে আর অগ্র আলোচনায় এই বাণীর দৃঢ় প্রতিষ্ঠার প্রয়াস হ'য়েছে, সেই-সব দর্শন আর চিন্তা; এক কথায়, গত আড়াই বা তিন হাজার বছর ধরে ভারতের যা কিছু স্ক্র-ক্রান্ত ভারতের যা কিছু সৃষ্টি, যা মানুষকে উচ্চ-লোকে নিয়ে যেতে চায়, সে-সবই হচ্ছে আমাদের অর্থাৎ জাতি-ধর্ম-নিবিশেষে ভারতীয়দের পিতৃ-পুরুষদের কাছ-থেকে পাওয়া রিক্ত। এই রিক্ত হচ্ছে মানব জ্ঞান-ভাণ্ডারে, মানবের সৃষ্ট সৌন্দর্য-ভাণ্ডারে একটি শ্রেষ্ঠ জিনিস। এই রিক্ত এখন আর রূপের ধনের মতো কেবল ভারতবর্ষেই সম্প্রদায়-বিশেষের পেটক-বন্ধ রত্ন করে রেখে দেবার বস্তু নয়। বাইরের লোকে এখন এই রত্নের খবর পেয়েছে—আর আমাদের কাছ থেকে এর উদ্ধার করে তাকে প্রকাশ করে দিয়েছে। সমস্ত বিশ্ব এখন এই রিক্তের অধিকার চায়। আর আমাদের প্রসন্ন মনে যতদূর আমাদের দ্বারা সাধ্য হবে তাদের সেই অধিকারের দাবী মেনে নিতে হবে। আমাদের কাছ থেকে বিশ্বের যা আবশ্যিক তা বিশ্ব নেবেই। আমাদেরও কর্তব্য আছে—পরিবর্তে বিশ্বের কাছ থেকেও কিছু নেওয়া। বিশ্বের মানব কোথায় কখন সত্য-শিব-সুন্দরের সাক্ষাৎ লাভ করেছে, কোথায় সং-এর কোন্ দিক দেখতে

পেয়েছে তা তাদের কাছ থেকে শিক্ষা ক'রে আত্মসাৎ ক'রে নিয়ে আমাদের পিতৃপুরুষ থেকে প্রাপ্ত রিকথকে আরও শোভা নৌন্দ্য পরিপূর্ণতা উপযোগিতায় সমৃদ্ধ ক'রে তুলতে হবে। তা না হ'লে আমরা আমাদের পিতৃপুরুষদের নিকটে আমাদের যে ঋণ আছে তা শোধ ক'রতে পারবো না। যখনই বাইরের মাতৃষের সঙ্গে আমাদের দেশের যোগ ঘটেছে, আমরা তখনই তাদের কাছ থেকে তাদের শ্রেষ্ঠ জিনিস, যা আমাদের ছিল না বা থাকলেও যাতে আমরা প্রাদীপ্য লাভ ক'রতে পারি-নি, তা কিছু-না-কিছু তাদের শিষ্যত্ব স্বীকার ক'রে শিখে নিয়েছি। আর এই নেবার ফলে আমাদের জাতীয় সভ্যতা জাতীয় আত্মা বিশেষভাবে পরিপুষ্টি লাভ ক'রতে পেরেছে। এতটাই না কতকটা ঐক্যের শিক্ষায় ভাষ্য-শিল্পে আর জ্যোতিষে প্রাচীন ভারতের উন্নতি, এতটাই না আমাদের জাতি ঈরানী মুসলমানের সংস্পর্শে এসে ভারতের মধ্য যুগের কবীর নানক প্রমুখ সমস্ত গুরুদের চিন্তার আর অল্পভূতির অপকপ বৈচিত্র্য আর তার সম্যকময় প্রকাশ; এতটাই না আধুনিক গাঙলা সাহিত্য, বিদেশে সাহিত্যের সোনার কাঠি ছোঁয়ানোর ফলে, নোতুন প্রাণ পেয়ে অর্পূর্ণ শক্তি আহরণ ক'রে বিশ্বসমক্ষে দাড়াবার অধিকারী হ'য়েছে।—কিন্তু আমাদের দেবারও যে কিছু আছে, কাজেই এখানে নেবার কোনও লজ্জা নেই, এ হ'চ্ছে প্রদানের পরিবর্তে আদান,—এ বিনিময়, ভিক্ষা নয়। বিশ্বের অংশ আমরা, আমরা বিশ্বের সঙ্গে সাহচর্য ক'রে চ'লবো। আধুনিক ভারতের স্রষ্টা রামমোহন থেকে আমাদের পূজনীয় গুরুদেব, সমস্ত দূরদর্শী মহাপুরুষ আমাদের এই সাহচর্য ক'রতেই উপদেশ দিচ্ছেন, আর তাঁরা নিজেরাও সেই সাহচর্য ক'রে আমাদের পথ দেখিয়েছেন।

আমাদের বিশ্বভারতী বিশ্বের সামনে ভারতের আদর্শকে ব'লে তুলতে চান। মানবের স্বেশাস্তি পরমার্থ লাভের পথে পৃথিবীতে এ আদর্শের সার্থকতা আছে, বিশেষত পাশ্চাত্য জগতে যে আছে, এ কথা বহু পাশ্চাত্য মনীষী স্বীকার ক'রেছেন। *The world must be Indianised*, ভারতকে বিশ্বময় ছাড়িয়ে দিতে হবে; ভারতের সভ্যতার বাহু বর্ণ-চক্র বা তকমা সব জাতকে পরাবার চেষ্টা ক'রে নয়, কারণ এই বর্ণ-চক্রটি ভেদ আর বিরোধের সৃষ্টি করে; কিন্তু ভারতের স্বল্প গভীর আধ্যাত্মিক ভাবের সঙ্গে-সঙ্গে যে পরমত-সহিষ্ণুতা আছে, ভারতের জীবনের সব দিকের মূলে যে তিতিক্ষা যে মৈত্রী যে শান্তি যে দুনিয়ার পাঠক এক হও! আমারবই.কম

অন্তসন্ধিস। বিত্তমান, তাদের জীইয়ে' রেখে, জাগিয়ে' রেখে, সবল রেখে, আর বিশ্বমানবের মনে যেখানে এর অল্পকূল ভাব প্রকট বা স্পষ্ট, অক্ষুট বা পীড়িত হ'য়ে আছে, তার সঙ্গে ভারতের এই জীবনীবাহী শিক্ষার যোগ সাধন ক'রে। আর কেবলমাত্র সেইটি করবার চেষ্টা ক'রে নয়; নিজেদের আত্মিক উন্নতির জন্য বিশ্বকেও আমরা ভারতের ভিতরে আনবো। কাউকে আমরা অস্বীকার ক'রবো না; কারণ সকলেই পিরাট বিশ্বপুরুষের অংশ। সকলের উৎকর্ষ আমরা গ্রহণ ক'রবো, সকলের স্বকৃতির ফল আমরা নেবো। খ্রীষ্টান সাধুর এই উক্তি আমাদের মন্ত্র ক'রে নিতে হবে—

Finally, brethren, whatsoever things are true,
 Whatsoever things are just.
 Whatsoever things are pure,
 Whatsoever things are lovely.
 Whatsoever things are of good report :
 If there be any virtue, and if there be any praise,
 Think on these things.

পৃথিবীর মধ্যে সং চিন্তার পোষক যা কিছু, মানুষের দেহের মনের আর আত্মার স্বাধীন বিকাশের অল্পকূল যা কিছু আছে, তার সম্বন্ধে আমাদের ভারতীয় প্রাণের সম্পূর্ণ অল্পমোদন আর সহযোগ আছে। আমরা যে অতি সহজেই সকলকে মেনে নিয়েছি—আমাদের ঋষি আচার্য্য সাধক সকলেই বিশ্বমৈত্রীর উপদেশ; আমাদের যুগ যুগ ধ'রে দিয়ে আসছেন :

যস্তু সর্বাণি ভূতান্ণাত্মৈবানুপশ্চতি,

সর্বভূতেষু চাত্মানং—ততো ন বিজ্ঞুগুপসতে ॥

‘যিনি সমস্ত প্রাণীকে আপনাতে দেখেন, আর আপনাকে সমস্ত প্রাণীতে দেখেন, তিনি কারও কাছ থেকে নিজেকে সরিয়ে' নেন না, কাকেও ঘৃণা করেন না।’

‘আত্মোপমোনে ভূতেষু দয়া' কুবন্তি সাধবঃ’, ‘উদারচরিতানাঃ তু বহুধৈব কুটুম্বকম্’—এ-সব তো আমাদের দেশের অতি সাধারণ কথা; লাতীন লেখকের homo sum, humani nihil a me alienum puto—‘মানুষ আমি, মানুষ-সংক্রান্ত এমন কিছু নেই যাকে আমি নিজের থেকে দূরের জিনিস ব'লে মনে করি’—এইরূপ ভাব আনবার মতন মানসিক অবস্থায় লাস্তে আমাদের বেশী পরিশ্রম ক'রতে হয় না।

দুনিয়ার পাঠক এক হও! আমারবইকম

আমরা মানবের সবঙ্গীণ উন্নতিতে আস্থাবান। যদিও এখন আমরা চারিদিকে নানা অত্যাচার অশান্তি অধঃপতন অগ্রায় দেখতে পাচ্ছি, তবু মোটের উপর মানুষ উচ্চ থেকে উচ্চতর পথে অগ্রসর হচ্ছে, এটা আমরা মনে করি। অগ্রায় অত্যাচার দুঃখ ক্লেশ নেই এমন সত্যসুগ কোনও কালে ছিল না; এ কথা ইতিহাস আমাদের ব'লছে, যুক্তিতর্কের দ্বারা বিচার ক'রলে এ কথা মানতেই হবে। কল্পনায় এক সত্যসুগকে গাড়া ক'রে তার উপর অন্ধ ভক্তি এনে বতমান আর ভবিষ্যৎকে উপেক্ষা ক'রলে জাতীয় জীবনে আত্মহত্যা করা ছাড়া আর কিছু হবে না। আগেকার যুগে মানুষের অনুর্ভাব প্রসার ছিল অল্প, অল্প জায়গার মধ্যে নিজের গণ্ডীর অন্তর্গত ভাবরাজী নিয়েই সাধারণত তার কারবার ছিল, সে জিজ্ঞাস্ত মনের অধিকারী হ'লে তার সেই অল্পকেই তাকে অত্যন্ত গভীরভাবে জানতে হ'ত, তাই পক্ষে আর অন্য উপায় ছিল না। সাধারণ লোকে সেই অল্পটুকুর ভিতরে কি খব গভীরভাবে নামতে চেষ্টা ক'রত, বা নামত? হয়তো কোথাও তা ক'রত, কিন্তু নিঃসন্দেহে তা পথা যায় না। কিন্তু এখন আমাদের ভাববাজ্য বহুবিস্তৃত হ'য়ে প'ড়েছে। এতে গভীরতার দদলে বিস্তারের দিকেই আমাদের নোক হ'য়েছে। বিস্তার জিনিষটা মন্দ নয়, যদি তা কেবল উপর-উপর, কেবল ভাসা-ভাসা না হয়। কিন্তু সখার্থ পণ্ডিতের পক্ষে বিস্তার আর গভীরতা দুই-ই সাধন করা এখনই সম্ভবপন হ'য়েছে। আগে সে সম্ভাবনা ছিল না। আমাদের মধ্যে সাধারণ লোক খারা, তাদের পক্ষে দুটো সাধন করা সব সময় সম্ভব হবে না। একটি বিষয় আমরা ভালো ক'রে জানি, আর বাকী সবের যেন রসাস্বাদ কন্বাব অধিকার রাপ্তে পারি। একটি বিষয়ে গভীর না হ'লে আমাদের ভাল ঠিক থাকবে না, বহু বিস্তারের ফলে আমরা পথভ্রষ্ট হ'য়ে মনো-রাজ্যে ঘুরে-ঘুরে বেড়াতে থাকবো, জ্ঞানের দক্ষ্য আমাদের ঠিক থাকবে না। আবার কোনও বিশেষ ভাবরাজীকে ভাল ক'রে জানতে হ'লে কেবলমাত্র তাতেই আবদ্ধ থাকলে চলবে না। ব্যাপকভাবে দেখলে তবে প্রত্যেক জিনিষের সখার্থ পরিচয় হয়। পরিধি না থাকলে কেন্দ্র কোথায়? মানসিক রাজ্যে কেন্দ্রের যেমন আবশ্যকতা, পারিধিরও তেমন আবশ্যকতা আছে। আমাদের মনের গতি এই দু'গে হ'চ্ছে পরিধিমুখী; আগে ছিল কেন্দ্রমুখী। শ্রেষ্ঠ মানসিক উৎকর্ষ হয় দুইয়ের সামঞ্জস্যে। নানা রাজনৈতিক কারণে, আত্মরক্ষার চেষ্টায়, বাইরের পরিধির প্রতি আমাদের দেশের লোকের একটা অশ্রদ্ধা একটা অবজ্ঞার ভাব এখন জেগে উঠেছে! যাতে বাহির এসে আমাদের 'ডুবিয়ে' দিতে না পারে, দুনিয়ার পাঠক এক হও! আমারবই.কম

‘আমাকে ভাঙ্গিয়ে’ নিয়ে না যায়, সেট-জন্মে বাহিরকে অস্বীকার করে বর্জন করতে পারলেই, আমার কেন্দ্রে ‘আঁকড়ে’ ধরে থাকতে পারলেই আত্মরক্ষা হবে। এইরূপ মনোভাবের কারণে বৃত্তে পারা যায়, আর এর স্বপক্ষে হয়-তো যুক্তিও থাকতে পারে। কিন্তু পরিদির দিকে চাইলেই কেন্দ্রচ্যুত হয় তারা, যারা জানে না কেন্দ্রের স্বরূপটি চিনে নিয়ে ঠিকমতো কোথায় তার সঙ্গে বন্ধ-বাঁধনে অচ্ছেদ্য-যোগে বদ্ধ থাকতে পারে। আমাদের জাতীয় জীবনের জাতীয় উৎকর্ষের কেন্দ্র কোথায় তা যদি আমরা সংগঠনে জানতে পারি, আর তা জেনে, আমাদের ব্যক্তিগত আর জাতীয় জীবনে তার আবশ্যিকতা প্রণিধান করে, আমাদের কাছে তা কতগামি সত্য তা যদি বুঝতে পারি, তা-হলে বাইরে যত দূরেই আমাদের চিন্তার বাসনা প্রসারিত হোক না কেন, আমরা ঠিক থাকবো। আগে নিজেকে জানা দরকার, ভালো করে জানা দরকার, আবার সেই জানা পূর্ণ করতে গেলে বাহিরকেও জানা দরকার। এই দুটোই ‘জড়িয়ে’ পুরা এক চক্র। আত্মজ্ঞানের জন্য বাহিরের উপযোগিতাকে স্বীকার করে নিতেই হয়।

আমাদের ভাবরাজ্য বর্জবিস্তৃত হয়ে পড়েছে। খ্রীষ্টীয় বিংশ শতকে আমরা অবস্থান করছি। এক আমাদের নিজেদেরই ভারতীয় জগৎ রয়েছে—তাৎ ‘ভাবরাজ্য কত বেড়ো। আমাদের প্রাচীন কথা বেদ-উপনিষদের যুগ থেকে আরম্ভ হবে বৌদ্ধ কাল, মৌর্য-যবন-শক-গুপ্ত-কালের কত বিচিত্র উৎকর্ষকে অবলম্বন করে, উত্তর-ভারতীয় আর দক্ষিণ-ভারতীয় আযা-দ্রাবিড় জাতির কত কীর্তি কত মৌল্য- আর সাহিত্য-সৃষ্টিকে নিয়ে আমাদের মুসলমান-পূর্ব যুগের কথা; তারপর নানা নতুন কীর্তিসম্ভার নিয়ে আমাদের মুসলমান যুগ আছে। এক ভারতেই কত না বৈচিত্র্যের সমাবেশ, কত না বিভিন্ন প্রকারের ভাবসম্পদ। তেমনি অল্প-অল্প কত দেশে মানুষ কত না ভিন্ন রূপে সভ্য হয়ে, কত নোতুন জিনিস আমাদেরই জন্ম উদ্ভাবন করে ইতিহাসের পথ বেয়ে চলে এসেছে, আসছে,—আর কত ভিন্ন ভিন্ন যুগ ধরে। দে-সবের ছিটে-কোঁটা তো বাঙলা-দেশেই বসে-বসে আমি আশ্বাদ করতে পারছি। Culture বা মানসিক উৎকর্ষ এখন জাতিবিশেষের কৃতিকে অবলম্বন করে নেই, Culture এখন বিশ্বমানবের সাধারণ সৃষ্টি আর সাধারণ সম্পদ, সমগ্র জগতে এখন এক, এতে আজ কোনও জাতি বাদ পড়তে পারে না। এই সাত-আট হাজার বছর ধরে দুনিয়ার পাঠক এক হও! আমারবই.কম

সভা হবার পর মানুষ যা করেছে, সে সময়ের হুকু-ওয়ারিসান মানেক হ'চ্ছি আমরা—অর্থাৎ সব দেশের শিক্ষিত লোকেরা। এত বড়ো একটা অধিকার—একে কি ছেড়ে দিয়ে, কারো উপর রাগ করে মুখ ফিরিয়ে' নিজের কোণে বসে থাকবো? এর দ্বারা আমরা তো নৈতিক বা মানসিক অবনতি আমি দেখতে পাচ্ছি না—জগতের আর সকলেব কাছে আমি হীন আমি দরিদ্র আমি ভিজিরি, এই ভাবে চিন্তা করে পনের ঐশ্বর্যে অভিভূত হ'চ্ছি না, কারণ আমার যা আছে তা আমি জানি। আমি বাঙালী হিন্দু; মিসরের জীসেব চীনেব আধুনিক ইউরোপেব সাহিত্য কলা চিন্তা আধ্যাত্মিকতা, সবই আমার যুগের বলাগে আমার মানবত্বের দাবিতে আমি পেতে পারছি। এ-সব ছেড়ে দিয়ে কোনও অজ্ঞাত বৈদিক যুগে আমি কিবে যেতে চাই না—পরবর্তী কালের সঙ্গে তুলনায় যে-যুগ সত্য-সত্যিই অর্ধবর্ষ, কিন্তু উপনিষদের আলোকে কল্পনার রঙীন কালের মতো দিয়ে তা'র উপর ফেলে আমরা তাকে লোকোত্তর মহত্বে শোভায় ভীষণ মগ্নিত করে নিয়ো'। আর Back to the Vedas কথা'র চরম বিচার ধ'বেলে, একেবারে আদিকালের মানুষ হ'য়ে পাথরের যুগ হাতে করে পশু-বন্দনে চেষ্টায় জঙ্গলে-জঙ্গলে ঘুরে' বেড়াতে কেউ রাজী হ'বে না। আরও নাই-স্বাক্ষেপে' হলে পরে, আরও এগিয়ে' গিয়ে বানরের অবস্থায় বা protoplasm যুগপ্রায় প'উচে যেতে পারলেই বোধ হয় অনেক ভালো মনে ক'বুদেন—কিন্তু সেই অজ্ঞাতের মোহাঙ্ককারে আমি ফিরে যেতে চাই না। আনাতোল ফ্রাঁসের কথা—'J'ai passé l'âge heureux où on admire les choses qu'on ne comprend pas. J'aime la lumière : অর্থাৎ 'যে সদানন্দ বয়সে লোকে যে জিনিস বোঝে না সেই জিনিসের স্মরণ করে, সে বয়স আমি পে'বিয়েছি। আমি আলো ভালোবাসি।' পাণ্ডিত্য সভাতার নানা স্ববিধার, নানা দৈহিক আরামের কথা ধ'বুছি না, সে-জিনিসটা যুগ একটা বড়ো জিনিস নয়, কিন্তু সভা মানুষের, আধুনিক মানুষের স্বাধীন মন আমি পেয়েছি আমাদের এই যুগধর্মের ফলে। আর ভারতীয় ব'লে, ভারতের প্রাচীন চিন্তাব্যবস্থা-সংগঠন বেড়ে উঠেছি ব'লে, আমার পক্ষে সেই মন লাভ করা অতি সহজই ঘটেছে, সে সহজলভ্যতার সৌভাগ্য থেকে ব'ল সভা দেশ এখনও বঞ্চিত আছে। এই যে মনোজগতের স্বাধীনতার কথা ব'লুছি, একমাত্র এই স্বাধীনতাই বাহ্য পবাসীনের যত কিছু আঘাতকে কোমল হাত বুলিয়ে' আঁচাল ক'রে দেবার চেষ্টা করে। এই মানসিক স্বতন্ত্রতা আছে ব'লেই সভা

মানুষ পরতন্ত্র থাকলেও স্বাধীন মানুষ হিসাবে প্রাণধারণ কর্তে সমর্থ হয়,—
অন্তিম্য কেবলমাত্র দাস হ'য়ে পশুবৎ হ'য়ে যেত।

বাইরের পরাধীনতা যতই কেন নির্ভর যতই কেন কঠোর হোক না, মন যদি স্বাধীন থাকে তা হ'লে সে পরাধীনতা কিছুতেই স্থায়ী হ'য়ে থাকতে পারে না। সব-চেয়ে সর্বনাশকর হবে মনের স্বাধীনতার হানি। এই স্বাধীনতা-নাশের চেয়ে বাহ্য পরাধীনতা সহস্র গুণে শ্রেয়। আমি চিন্তা-শক্তিকে পরিচালনা করবার যোগ্যতা লাভ করি, কী হ'চ্ছে তা জেনে কাজ কর্তে চাই, আমি জানতে চাই, আমি বুঝতে চাই। যদিও সেই জানার পর, প্রতীকার কর্তে পারার শক্তি না থাকার দরুন, মনে আমি দারুণ অশান্তি বা অস্থিতি মাত্র লাভ করি—কারণ জেনে শক্তির অভাবে প্রতীকার কর্তে না পারার মতো কষ্টকর, তার মতো বুক-ভাঙা আর কিছু নেই—কিন্তু তবুও আমি জানবো; আমি pathetic, placid contentment-এ থাকতে চাই না। হয়-তো কখনও উপলব্ধি বা অনুভূতির বস্তু এসে আমাকে ভাসিয়ে' নিয়ে যেতে পারে, হ'তে পারে, জানার নির্মল আনন্দে মগ্ন হ'য়ে ব'সে থাকার চেয়ে, বা তার যে divine discontent তা'তে ছটফট করি বেড়ানোর চেয়ে, অনুভূতি বা উপলব্ধির রসের সাগরে ডুবে যাওয়াটাই মানুষের মন বা আত্মার পক্ষে চরম লাভ। তার পক্ষে পরমার্থ, পুরুষার্থ। কিন্তু যতক্ষণ আমার ঈশ্বর-দত্ত বা প্রকৃতি-থেকে-লব্ধ বুদ্ধি আছে, ততক্ষণ তাকে মেরে আমি আত্মঘাতী হ'তে চাই না।

অস্থিতি নাম তে লোকাঃ অন্ধেন তমসাপ্রতাঃ।

তাংসে প্রেত্যাভিগচ্ছন্তি যে কে চাৎসহহনো জনাঃ ॥

'অন্ধ তমোহারা আবৃত অন্তরদের উপযোগী অস্থিতি নামে যে-সকল জগৎ, আত্মঘাতী হয় যে-সব মানুষ তারা পরলোকে গিয়ে সেই-সকল জগতে প'উছয়।'

আমরা চাই, অন্ধকারের বাইরে গিয়ে আমরা যেন জ্যোতি দেখতে পাই; আমাদের প্রার্থনা 'তমসো মা জ্যোতির্গময়', এবং More Light; আমাদের প্রার্থনায় আছে 'ধিয়ো যো নঃ প্রচোদয়াৎ', তিনি আমাদের বুদ্ধিবৃত্তিকে পরিচালিত করুন, 'স নো বুদ্ধ্যা শুভয়া সংযনক্তু', তিনি আমাদের শুভ বুদ্ধির সঙ্গে যুক্ত করুন, বাইরের জগতের সৌন্দর্য আর মোহ যেন আমাদের অভিভূত করি সার সত্যের সন্ধানের পথে বাধা না দেয়—

'হিরণ্ময়েণ পাত্রেণ সত্যাস্ত্রাপিহিতং মুগম্।

তত্ত্বম্ পুষম্ অপাবুগু সত্যধর্মায় দৃষ্টয়ে ॥

দুনিয়ার পাঠক এক হও! আমারবই.কম

‘সত্যের মুখ হিরণ্ময় পাত্রেয় দ্বারা আবৃত ; হে পুষাদেবতা, সত্যধর্ম দর্শনের
জন্ম ভূমি তা সরিয়ে’ দাঁও।’

আমাদের প্রার্থনা, যেন ‘ভদ্রং কর্ণেভিঃ শৃণুয়াম দেবাসঃ,’ হে দেবগণ, যা ভদ্র
তা আমরা কান দিয়ে যেন শুনি ; ‘ভদ্রং পশ্যাম অক্ষিভিবু যজ্ঞত্রাঃ’, হে পূজিত
দেবগণ, যা ভদ্র তা আমরা চোখ দিয়ে যেন দেখি।

নানা দিক দিয়ে নানা প্রতিকূল অবস্থায় পড়ে আমাদের ভারতীয় মানবের
মনের স্বাধীনতাটুকু লোপ পেতে বসেছে, বহু স্থলে লোপ পেয়েছে,—লোপ
পেয়েছে বলবো না—মুচ্ছিত হ’য়ে পড়েছে, কারণ ভারতের সভ্যতার মূলে যে
মন্ত্র আছে, সে-মন্ত্রটি অমর, সে মন্ত্র হ’চ্ছে মানুষের মানসিক আর আধ্যাত্মিক
স্বাধীনতার মন্ত্র। ভারতের জীবনের বাইরের আবহমান মধো, বাইরের রঙচঙে
জগ্জগা, বাইরের প্রতিমার নশ্বর অলংকারের মধো সেই মন্ত্র হ’চ্ছে অক্ষয়
মর্গ। যতদিন উপনিষদ আর গীতাব মধো, বৌদ্ধশাস্ত্রের মধো, সম্ভবাবণীর
মধো আব অমৃত ভারতীয় আচার্যদেব বাণীর মঞ্জুবাণ মধো সেই অক্ষয় নীতি
বিদ্যমান থাকবে, আর যতদিন শ্রদ্ধার সঙ্গে হাব অক্ষয়মানের আর জীবনে
প্রতিফলিত করণের বল্লমাত্রাও চেষ্টা আমাদের মধো থাকবে, ততদিন আমরা
সকল দারিদ্র্যের সকল দৈত্যের সকল অভাবের মধো একেবারে নিশ্চয় হবো না—
আর বাহু পরাধীনতার রাজ আমাদের সভ্যতাকে একেবারে পূর্ণগ্রাস ক’রে
পারবে না।

ভারতের নিজস্ব প্রাচীন রুটির বিশেষত্ব কোথায়, সে বিষয়ে অবশ্য মতভেদ
আছে, আর তা থাকবেও। কেউ কেউ ভারতের ব্রাহ্মণশাসিত সমাজের বর্ণাশ্রম
ভেদেই ভারতের বৈশিষ্ট্য বিদ্যমান আছে মনে ক’রে সেইটিকেই রক্ষা ক’রবার
জন্ম বন্ধপরিকর। কেউ বা ভারতের সমাজবিশেষের সাধন বা সাধনের অঙ্কে
পরম পদার্থ বলে মনে করেন, যেন ভারতের সভ্যতার বা সংস্কৃতির পরিপূর্ণতা
সেখানেই। আজকালকার মতো প্রাচীন যুগে এ বিষয়ে চিন্তা ক’রবার আবশ্যিকতা
ছিল না, কারণ ভারতের বাইরের জগতের প্রতিকূল শক্তির সঙ্গে ভারতের
সমাজের সংঘর্ষ হ’লেও, ভারতের ভাববাহ্যের উপর বাইরে থেকে আজকালকার
মতন এতো বড়ো সংঘাত কখনও ঘটে-নি—আজকাল যেমন ক’রে খ্রীষ্টান ও
অখ্রীষ্টান ইউরোপ আর আমেরিকা, আর আরব-মনের সৃষ্টি ইসলাম, আর সৃষ্টিকে
কিছু পরিমাণে চীন-জাপান, ভারতের মানসিক প্রগতির আর তার প্রাচীন

সত্যতাহুমোদিত জীবনযাত্রার উপরে এসে প'ড়েছে, আর আমাদের বিস্কক ক'রে তুলেছে। এই-সব নানা দিক্ থেকে আমাদের উপর সংঘাত এসে প'উছানোতে, মহাত্মা রামমোহন রায়, মহর্ষি দয়ানন্দ সরস্বতী, স্বামী বিবেকানন্দ, মহাত্মা গান্ধী, রবীন্দ্রনাথ প্রমুখ আধুনিক যুগের ভারতের শ্রেষ্ঠ মনীষীরা কিসে ভারতের ভারতীয়ত্ব, আর সেই ভারতীয়ত্ব রক্ষা করা আমাদের পক্ষে তথা বিশ্ব-মানবের পক্ষে কল্যাণকর হবে কি না, সে বিষয়ে চিন্তা কর'তে আর ভারতবাদীকে আশস্ত করবার জগ্ন অভিমত দিতে বাধ্য হ'য়েছেন। ভারতের জীবনে যা সত্য যা শিব আর সূন্দর, তা এ'রা আংশিক-ভাবে বা পূর্ণ-ভাবে আমাদের চোখের সামনে ধর'বার প্রয়াস ক'রেছেন। ব্যক্তিগত পারিপাশ্বিক, শিক্ষা আর রুচি অন্তসারে এ'দের মতের ইতরবিশেষ হ'লেও, একটি বিষয়ে এ'রা সকলে একমত ; সকলেই সত্যকে শ্রেয় ব'লে মনে নিয়েছেন, আর বিশেষ পরীক্ষা ক'রে নিয়ে তবে সত্যকে স্বীকার ক'রতে উপদেশ দিয়েছেন। সত্য নির্ণয় বড়োই কঠিন ব্যাপার ; সত্য তো কখনও পূর্ণরূপে মানুষকে ধরা দেয় না। মানুষের বুদ্ধির সাহায্যে সত্যনির্ণয় ক'রতে হ'লে কিন্তু স্ক্রুতিকর্কের অহুমোদিত পথ ধ'রে চলা চাই। এই পথে চ'লতে-চ'লতে, আমাদের অপ্রিয় কিছুতে যদি আমাদের নিয়ে যায়, তা-হ'লে দুঃগিত বা বিচলিত হ'লে চ'লবে না। যাতে আমাদের বিচলিত না ক'রতে পারে, তদনুরূপ সত্যাদিদৃষ্টির উপযোগী দৃঢ়চিত্ততা আমাদের থাকা উচিত। এইরূপ দৃঢ়চিত্ততা, সত্যদ্রষ্টার অটল নিভীকতা প্রাচীন ভারতে ছিল। আধুনিক ইউরোপেও বহু ক্ষত্রস্বার্থ-প্রণোদিত মিথ্যার মধ্যে এই অটল সত্যানুসন্ধিসা যথার্থ জিজ্ঞাসুদের মধ্যে অতি স্পষ্টভাবে নিভীকভাবে মাথা তুলে দাঁড়িয়ে আছে। এই জিনিসটি নোতুন ক'রে ইউরোপ আমাদের দান ক'রেছে ; রেলগাড়ি, বিজ্ঞান, কলকারখানার চেয়ে এই দান-ই শ্রেষ্ঠ দান। হ'তে পারে, দু-পাঁচজন ইউরোপীয় প্রাচ্যবিজ্ঞাবিদ বা লেখক আধুনিক ভারত বর্ষকে পরাধীন, হীন, হেদ-হেষে পরিপূর্ণ দেখে, তার প্রতি ঘৃণার ভাব পোষণ ক'রে, প্রাচীন ভারতেরও প্রতি শ্রদ্ধার অভাব দেখিয়েছে, প্রাচীন ভারতের লাঘব কোনও জায়গায় ক'রতে পেলে হর্ষের আতিশয্য দেখিয়েছে, সেদিকে আগ্রহ প্রকাশ ক'রেছে। কিন্তু যে কৌতুহল যে অহুমসন্ধিসা আমাদের কাছে বুদ্ধকে অশোককে গুপ্তরাজগণকে তাঁদের যথার্থ স্বরূপে এনে দিয়েছে, আমাদের গৌরবময় অতীতকে বিশ্বতির অতল থেকে আবার উদ্ধার ক'রেছে, 'Serindia বা মধ্য-এশিয়া, Indo-china ইন্দোচীন, Insul-india বা ভারত দ্বীপপুঞ্জ যে এক বিরাট 'বহির্ভারত' ছিল, তাতে আমাদের দুনিয়ার পাঠক এক হও! আমারবই.কম

পিতৃপুরুষ তত্ত্বদেশের অধসভ্য বা অসভ্য অধিবাসীদের সাহচর্যে যে বিরাট সভ্যতা গড়ে তুলেছিলেন তাঁর খবর আমাদের এনে দিচ্ছে, আমাদের পুরাতন হুহুং সতীর্থ বৌদ্ধ চীনের মনোরাজ্যের সঙ্গে আমাদের পুনঃপরিচয় করিয়ে' দিয়েছে,—এক কথায়, 'আত্মানঃ বিদ্ধি', নিজেকে জানো, এই অনুজ্ঞা পালনের জ্ঞান আমাদের পূর্ণ সহায়তা ক'রেছে, ক'রছে,—সে জিনিস নিতান্ত তুচ্ছ নয়, সে বিদ্যা আর সে বিদ্যালয় ফলকে 'ভদের' ব'লে উপেক্ষা ক'বলে আমাদেরই হানি—মানসিক, ঐহিক, উভয়বিধ হানি।

রামমোহন, রবীন্দ্রনাথ—এঁরা আমাদের সত্যদৃষ্টির উচিত নিরপেক্ষভাবে নিতে বলেছেন। এরা বিশ্বকে ভয় করেন-নি, বিশ্বকে বর্জন করেন-নি; জ্ঞান, ব'লে, বন্ধু ব'লে সাদরে মনোরাজ্যে বরণ ক'রে নিয়েছেন। ভারত যেখানে বিশ্বের বা বাইরের ভয়ে পালিয়ে' বেড়াচ্ছে না, কিন্তু নিজের গৌরবে দেশের মধ্যে এক হ'য়ে বিরাজ ক'রছে, আমাদের দেশের সেক্টরূপ কতকগুলি প্রতিচ্ছানের মধ্যে আমাদের এই শাস্ত্রনিকেতন আর তার এই নবীন মূর্তি বিশ্বভারতী হ'চ্ছে অস্বাভাবিক। এখানে ভারত তার নিজ কেন্দ্রে স্ফুর্তিশীল হ'য়ে থাকতে চাইছে, নিজের স্বরূপকে ভুলতে চাইছে না, কেবলমাত্র বাহু-অঙ্গঠান-গত স্বরূপকে নয়, তার অন্তরতম মানসিক আর আত্মিক স্বরূপকে; মনের স্বাধীনতাকে পূর্ণ ক্ষুতি দিয়ে, সত্যের সাধনার সঙ্গে-সঙ্গে শিব আর গুন্দরকেও বরণ ক'রে নিয়ে, জ্ঞান আর সৌন্দর্যের ভাঙার থেকে রক্তরাজী আহরণ ক'রে এনে, তার দ্বারা দেশের চিত্ত আর প্রাণের ভাঙারকে পূর্ণ কব্বার চেষ্টা ক'রে।

শাস্ত্রনিকেতনের সঙ্গে আমাদের যাদের যোগস্থাপনের সুযোগ হ'য়েছে, তাদের পক্ষে এই আদর্শের মূল্য বোঝা কঠিন হবে না। এখন আমাদের সকলের যত্ন করা উচিত, যাতে আমরা শাস্ত্রনিকেতনের বা বিশ্বভারতীর যোগ্য কর্মী হ'তে পারি। আমাদের দায়িত্ব খুব-ই গুরুভার। বিশেষ এই ঘোরতর দুদিনে, যখন আমাদের এই যে শ্রেষ্ঠ রিকৃথ—স্বাধীনচিত্ততা—তার উপর নান! দিক দিয়ে আক্রমণ আর আঘাত প্রত্যক্ষে আর পরোক্ষে এসে প'ড়'ছে। বাহু স্বাধীনতার চেয়েও প্রার্থিত, এমন কি আমাদের প্রাণের চেয়ে প্রিয় এই যে মানসিক স্বাধীনতা, এর আলো-কে আমাদের প্রত্যেকের মধ্যে ব্যক্তিগতভাবে জালিয়ে' রাখতে হবে—অধ্যয়ন, আলাপ, আর চিন্তার দ্বারা। কিন্তু সমষ্টিগত-ভাবে আমাদের বড়ো কাজ আছে। যারা আমাদেরই মতন এক-ই পিতৃপুরুষ থেকে জাত, আমাদেরই মতন ভারতের প্রাচীন ধনের অধিকারী, তাদেরও মনে তাদের দুনিয়ার পাঠক এক হও! আমারবই-কম

পুনরুজ্জীবিত অভিন্নব ভারতীয় Culture-এর সৌধ কেবল চোরাবালির উপর গড়া হবে মাত্র—তার কোনও সার্থকতা থাকবে না, দুদিনে তা আকাশ-কুম্বের মতো বিলীন হয়ে যাবে। গ্রামকে অবলম্বন করে ভারতীয় সভ্যতার অনেক কিছু শ্রেষ্ঠ অঙ্গের বিকাশ হয়েছে। গ্রামের সঙ্গে আমাদের নাড়ীর টান কমে আসছে। মধ্যবিত্ত শ্রেণীর ভদ্রপদ-বাচা ব্যক্তি আমরা, আমরা ভারতীয় Culture-এর উন্নতি সাধন করছি বটে, কিন্তু আমরা নিজেরা শহরে' হয়ে পড়েছি। ছবিতে গল্পে কবিতায় গ্রামের প্রাকৃতিক সৌন্দর্য উপভোগ করি বটে, কিন্তু ম্যালেরিয়ার ভয়ে আর বিজলীর বাতি নেই বলে গ্রামে যেতে ভয় পাঠি—গ্রামের দাস্ত ভিটা হ্রাগ করছি, গ্রামের জনকে বজন করছি। প্রত্যেক মানুষের প্রশস্ততম কাব্যক্ষেত্র সাধারণত হচ্ছে, যতদূর সম্ভব, নিজের সমাজের মধ্যে। Charity begins at home। প্রতিভাশালী ব্যক্তির কথা অবশ্য আলাদা, তারা কেবল জানপদ বা পৌর মাত্র নয়, তাঁদের ক্ষেত্র আরও বিরাট, সমস্ত দেশ বা কখনও-কখনও সমগ্র পৃথিবীকে নিয়ে হয়ে পড়ে। শাস্তিনিকেতনের ছাত্রদের নিজের দেশের আর নিজের-নিজের সমাজের কথা ভুলে গেলে চলবে না।

শাস্তিনিকেতনের Culture বা উৎকর্ষ যাতে দেশের মধ্যে স্থপ্রতিষ্ঠিত হয়, তা যেন শাস্তিনিকেতনের প্রত্যেক ছাত্রের চিন্তার বিষয় হয়। দেশ আমাদের দারিদ্র্যের নিপীড়নে ছারে-খারে যাচ্ছে। তার উপর নানাপ্রকার সামাজিক আবর্জনা আর বিভীষিকা আছে। তার জঞ্জলে' আওতায়, তার যত আগাছার জটের মধ্যে পড়ে আমাদের দেশে সমস্ত প্রাণ শুথিয়ে' যাচ্ছে, মরে যাচ্ছে। প্রাচীন ভারতের শিক্ষা, উপনিষদের শিক্ষা যেন আমাদের শাস্তিনিকেতনের মধ্যে দিয়ে এই শুষ্ক ক্লিষ্ট মৃতকল্প দেশে অমৃতের প্রভাব আনতে সাহায্য করে। যেন তার আলোব সাম্নে, তার তীক্ষ্ণ দর্শন আর উৎসাহশীল প্রয়াসের সাম্নে সমস্ত অন্ধকার সমস্ত আবর্জনা দূরীভূত হয়ে যায়; এখানকার কলাভবনের ছাত্রদের দ্বারা দেশের জনসাধারণের মাঝে আগেকার কালের মতো সহজ সৌন্দর্য-বোধ আবার ফিরে আসে। আমাদের এখানে যে পটুয়ারা তাঁদের গুরুকে আশ্রয় করে শিক্ষালাভ করছেন, তাঁদের মধ্যে দু-চার জনে বড়ো চিত্রকর হয়ে দেশের মুখ উজ্জ্বল করবেন, এ আশা আমরা সহজেই করতে পারি। কিন্তু দেশের লোকের মধ্যে সৌন্দর্য-বোধ ফিরিয়ে' আনবার জগৎ বিশ্বভারতীয় ছাত্রদের একটা আকাঙ্ক্ষা থাকা চাই—যে সৌন্দর্য-বোধকে আমাদের দেশে এখনও দুনিয়ার পাঠক এক হও! আমারবই.কম

সুদূর পল্লীগ্রামে হৃন্দর-হৃন্দর তৈজসে নানাশ্রকার মনোহর গৃহশিল্পে ফুটে উঠতে দেখা যায়। এ বিষয়ে ঋার দ্বারা সেখানে যেটুকু সম্ভব হবে সেটুকু ক'রতে পারলে, ব্যক্তিগত চেষ্টায় অনেকটা কাজ ক'রতে, দেশবাসীর সেবা ক'রতে পারা যাবে। সেইরূপ ইতিহাস দর্শন সাহিত্যের ছাত্র, সংগ্রহ-রক্ষণ আর শিক্ষার ব্রত দিয়ে নিউ-নিউ ক্ষেত্রে কাজ ক'রতে পারবেন। গ্রাম-সংগঠন বিষয়ে আমাদের শ্রীনিকেতন থেকে কিছু পরিমাণে কাজ আরম্ভ হ'য়েছে, সেটা দেশের উপচিকীর্সু, শান্তিনিকেতনের চিন্তাশীল ছাত্রের প্রাধিকানে রাখি। সমস্ত জা'তকে নিয়ে আমাদের এগোতে হবে। নইলে আমাদের Culture নিয়ে আমরা ভারতবর্ষের জনকতক ভ্রমশ্রেণীর লোক নিজেদের দেশেই পুরো পরবাসী হ'য়ে প'ড়'বো, আমাদের ভারত, ভারতীয় Culture হিসেবে, অতীতের বস্তু হ'য়ে প'ড়'বে,—অস্তরের শক্তির অভাবে আর ক্ষয়ে আর বাহু আক্রমণে। এট ক'রতে করা-ই হ'চ্ছে আত্মরক্ষার একমাত্র উপায়—আমাদের Culture অবলম্বন ক'রে যাতে আমাদের জা'ত বেঁচে থাকতে পারে।

শান্তিনিকেতনের ছাত্রদের এ বিষয়ে অবহিত হওয়া চাই। যে শিক্ষা তাঁরা এখানে পাচ্ছেন বা পেয়েছেন, কর্মজীবনে যেন তার পূর্ণতা হয়, যেন তার প্রয়োগ সাফল্যমণ্ডিত হয়। ভগবান শ্রীকৃষ্ণের দ্বারা অন্তপ্রাণিত প্রাচীন ভাগবতধর্মের এই তিনটি জিনিস ছ' হাজার বছর আগে এক অল্পসঙ্কিৎসু শিক্ষিত গ্রীকেন মনকে অক্লষ্ট ক'রেছিল; গ্রীক হেলিওদোর, বৈষ্ণব ভাগবতধর্ম গ্রহণ ক'রে তার উৎকীর্ণ বিদিশা-অন্তশাসনে লিখে' গিয়েছেন—

‘ত্রিণি অমৃত পদানি স্তম্ভাতিতানি

নয়ন্তি স্বগং—দম, চাগ, অপ্রমাদ।

‘তিনটি অমৃতপদ ভালো ক'রে পালন ক'রলে স্বর্গে নিয়ে যায়—দম, ত্যাগ, অপ্রমাদ, অর্থাৎ আত্মদমন, নিস্পৃহতা, আর শুভ বুদ্ধিকে পরিহার না করা।’ এট তিনটি অমৃতপদ প্রত্যেক মানুষের আত্মিক উন্নতির সহায়ক। এর পালনের দ্বারা যোগ্যতা অর্জন ক'রতে হবে—সমাজের সেবার জন্য, নিজের শ্রেয়স্ লাভের জন্য।

তারপর আমাদের কাজ ক'রতে হবে ‘প্রাণিপাতেন, পরিপ্রশ্নেন, সেবয়া’—ঈশ্বার সঙ্গে আচার্যাদের শিক্ষাকে শ্রবণ ক'রে, সত্যাত্মসঙ্কিৎসা-প্রণোদিত হ'য়ে প্রশ্ন ক'রে; আর মৈত্রীপন্থন হ'য়ে সেবা ক'রে—যেখানে যে অসহায় দুর্বল আতুর আত্মবিশ্বাসহীন, তার সেবা ক'রে, তার সহায় হ'য়ে, তাকে বল দিয়ে,

দুনিয়ার পাঠক এক হও! আমারবই.কম

তাকে জ্ঞান দিয়ে, তার মনে আত্মবিশ্বাস এনে । এইভাবে কাজ ক'রলেই আমরা ব্যক্তিগত পরমার্থ লাভ ক'রতে পারবো, আর আমাদের পিতৃপুরুষ, আমাদের জাতি-বন্ধু-ভ্রাতা, তথা বিশ্ব-মানবের প্রতি এইরূপেই আমাদের কর্তব্য ক'রতে পারবো, যথাশক্তি সমাজের সহকে আমরা কিছুটা আনুগ লাভ ক'রতে পারবো ॥

শান্তিনিকেতন

৬ষ্ঠ বর্ষ, ১ম সংখ্যা

মাঘ, বঙ্গাব্দ ১৩৩১